

Di acuerdo cu Mambo, relacion cu siniestro

Candela riba negoshi ta un sla pa comercio di centro

Directiva di MAMBO, pa medio di su Presidente a tuma nota di e siniestro cu a tuma lugar den Caya Grandi siman pasa. Presente n'e sitio, durante e sucedido, Audrey Lacle, Presidente di e Organisashon di Negociante den Caya Grandi por a informa su mes di e situashon.

MAMBO ta conmesura cu e negoshinan cu tabata involvi den e siniestro, esta : La Linda, Shalimar Palace, Coral Gifts, Arco Iris, Dufry y e Snack. Sra. Lacle a experiencia un situashon similar na 1985, ora su negoshi tabata involvi den un siniestro, pues e por comprende loke e negoshinan ta pasando aden n'e momentonan aki.

Caya Grandi ta di luto cu perdida di edificionan historico manera esun di La Linda, Shalimar Place, Coral Gifts, Snack y Arco Iris.

E perdida grandi den Caya Grandi no ta solamente den balor di edificio, pero ta hiba cu un tradishon di mas cu 65 aña den Caya Grandi a bai perdi.

Generashon di famianan Arubano a haci un tradishon di haci nan compra den e negoshinan aki y a disfruta di e servicionan cu nan a ofrece.

E negoshinan aki semper tabata y lo keda un tradishon incomparable den nos Caya Grandi.

E hecho cu esakinan a wordo devasta den un candela asina feroz a nifica cu un parti grandi di nos herencia a bai perdi.

MAMBO no solamente ta lamenta e perdida di e herencia grandi aki den Caya Grandi, pero tambe e hecho cu Caya Grandi nunca mas lo ta mescos.

E edificionan a sufri daño irreparable pero e daño mas grandi ta den esun personal. Perdida di propiedad, cuponan di trabou y mercancia ta na balor mihones di florin. MAMBO den e

caso aki ta ofrece su support na e negoshinan involvi.

E perdida grandi aki ta laga un buraco hopi grandi den Caya Grandi.

E negoshinan den bencindario cu a sufri daño di huma of di awa

tambe ta pasando den momentonan dificil y cu nan tambe MAMBO ta conbibi y ta ofrece su support. E sucedido aki ta specialmente dificil den un temporada caminda transitashon den Caya Grandi ta keto caba, e hecho lamentabel aki

obviamente lo empeora e situashon actual.

E situashon dificil aki lo empeora durante e proximo dianan, por lo menos te cu e situashon normaliza, locual obviamente lo tuma su tempo.